



**ATASSUT**

**UPA14/172-1**

**Gerhardt Petersen**

**14.05.2014**

**Inuiaqatigiit kissaataat tunngavigalugit nunap ilaani aatsitassarsiorfissanik inerisaaviusussanik pilersitsinissaq aammalu nunap ilaani allani avatangiisit, ilorrisimaarneq, inuussutissarsiutit pioreersut assigisaalluunniit tunngavigalugit aatsitassarsiorfigineqarusunngitsunik pilersitsinissaq pillugu oqallisissiamik saqqummiusseqqullugit Naalakkersuisut peqquneqarnissaanik Inatsisartut aalajangiiffigisassaattut siunnersuut. Oqallisissiaq innuttaasunik, soqutigisaqatigiinnik aalajangiisartunillu peqataatitsinikkut amerlasuunit akuuffigineqartumik oqallinnissamut toqqammaviussaaq. Oqallisissiaq 2015-imi upernaakkut ataatsimiinnissaq nallertinnagu naammassineqareersimassaaq.**

(Inuit Ataqatigiit Inatsisartuni gruppianni ilaasortat)

Inuit Ataqatigiit Inatsisartuni gruppianni ilaasortat matumani siunnersuutigaat Naalakkersuisut oqallissaarusiussasut nunap immikkoortuini suni aatsitassarsiornermik ingerlatsisoqarsinnaassanersoq sunillu ingerlatsisoqarsinnaassannginnersoq.

ATASSUT-mit kissaatigeqaarput inuiaqatigiit inuussutissarsiornikkut aningaasarsiornikkullu ingerlarsornerat patajaatsumik tunngaveqassasoq, tamannalu pitsaanerpaamik qulakkeerneqassapat inuussutissarsiutinik ingerlatsinerit ilaannik mattussuilereernikkut pisinnaanngitsoq isumaqarpugut.

Aatsitassarsiorniarlutik soqutiginnittut misissueqqaarnissaminnik aallartitsinerminni nunaminertap soqarnera aatsitassanillu soqutiginarturnik qanoq annertutigisumik akoqarnera aallaavigalugu suliniutitik annertusarsinnaasarpaat ilaannilu tunniutiinnarsinnaasarput, ingerlatiinnassallugu imminut akilersinnaassanngitsutut naliliinermik kingorna.

Soorunami mianersorfissaqarpugut, soorunami innuttaasut peqqissusaat akornuserneqassanngitsoq soqutigisatta sallahariuartaqarpaat, soorunami aatsitassarsiornerup kingunerisaanik mingutsitsinerup minnerpaatinneqarnissaa qulakkeerniagassaavoq pingaaruteqarluinnartoq.



## ATASSUT INATSISARTUNI

---

Mianerisassat ilaminiinnanngui matumani ATASSUT-mit oqaatigaagut, ATASSUT-millu qularutiginnngilluinnarparput Nunatsinni pisortat sukkulluunniit akisussaasuusut pisussaaffitsik malillugu aatsitassarsiornissaminnik soqutiginnittut saaffiginneqaarneranniit suliat ataasiakkaat ingerlanneqarnerat tamakkerlugit nakkutigeqqissaarlugillu piumasaqaatit naammassineqarnissaannik isumannaarinninnissaq qulakkeerniarlugu ingerlatsisartut aammalu siunissami ingerlatsisarumaartut.

Taamatut naatsumik oqaaseqaateqarluta ATASSUT-mit Naalakkersuisut akissuteqaataat tusaatissatut tiguarput inassutigissavarpullu siunnersuut taamatut iluseqarluni itigartinneqassasoq.